

歷代錢法備考

歷代錢法備考卷四

唐正品

開通元寶

唐高祖武德四年因民間行綫環錢其制輕小凡八九萬纔滿斛不勝其弊遂鑄開元通寶錢詔給事中歐陽詢制詞及書其文含八分及隸篆三體其詞先上後下次左次右讀之自上及左迴環讀之其義亦通俗讀之開通元寶錢徑八分重二銖四參積十錢重一兩每兩重二十

四銖積一千重六斤四兩其文有左挑文穿上
仰月文穿上偃月文穿下偃月文穿下斜月文
雙月文穿右立文凡七種舊譜謂之甲文錢相
傳詢進蠟樣日文德皇后搯一甲迹故錢上有
指甲文 今幽益桂等州皆置錢監賜齊王秦
五二爐右僕射裴寂一爐以鑄盜鑄者論死沒
其家屬其後盜鑄漸起顯慶五年以惡錢多官
為市之以一善錢售五惡錢民間藏惡錢以待
禁弛 唐高宗乾封肅宗乾元以至大厯建中
咸通皆因其年以名錢然行之不久惟開元錢

唐三百年治鑄相繼故流行至今甚多但郭有大小肉有輕重皆歲久適然也此錢有徑八分者有徑六分者有篆字者有兩面同文者有鉄者有左挑右挑雙挑有徑六分左右挑有正面通元二字間一星者有背面四出文者有上星者有下星者有上爪向內者有下爪向內者有上下二爪者有左爪者有右爪者有左右二爪者有上飛爪向右者有上飛爪向左者有下飛爪向左者有下飛爪向右者上下四爪者有左上下斜爪者有右上下斜爪者有左星者有

右星者有左右二星者有左星右爪者有右星
左爪者有上星下爪者有下星上爪者有爪外
星者有背面兩甲痕者 錢又稱元寶自唐高
祖始 按好開元錢燒之有水銀出可治小兒
驚

乾封泉寶

唐高宗封獄之後改元乾封以是年鑄錢故名
乾封泉寶乾字直上封字在右徑一寸重二銖
六分以一當舊泉之十踰年而舊泉多廢明年
以商賈不通未帛踊貴復令所司貯納不須鑄

仍鑄開元通寶錢 錢文稱泉寶自唐高宗始

乾元重寶

唐肅宗乾元元年經費不給御史中丞第五琦奏請鑄乾元重寶錢徑寸每緡重十斤以一當十乾元二年三月第五琦入為相又請鑄重輪乾元錢徑寸二分重五銖每緡十二斤亦曰乾元重寶背之外郭為重輪即重稜以一當五十法既屢易物貨騰貴米斗錢至三千饑饉相望議者以為非是詔貶第五琦為忠州長史上元

元年減重稜錢以一當三十開元舊錢與乾元錢
皆以一當十代宗即位乾元錢以一當二重稜
錢以一當三凡三日而大小錢皆以一當一
此錢大小不同自寸二分相較寸一分凡有六
種字體形制略無小異
錢文稱重寶自唐肅宗始

大曆元寶

唐代宗大曆四年正月鑄錢等使請於絳州汾
陽銅原兩監增置五鑪鑄大曆元寶錢徑九分
重三銖六釐銅色昏濁字畫適勁

建中通寶

唐德宗建中初戶部侍郎韓洄以商州紅崖冶銅多請復洛源舊監起十爐鑄建中通寶錢徑八分重二銖以下鑄十萬二千緡每千費九百銅色純赤字文漫暗

開元通寶

唐德宗建中初銷干錢得銅六斤鑄器則斤得錢六百故銷鑄者多而錢益耗判度支趙贊採連州白銅鑄開元大錢徑寸二分重十二銖六參銅質渾厚字文明坦一當十以權輕重此

錢有二品一品窄緣正書一品濶緣差小左挑
字含八分 開元錢終唐之世未嘗斷鑄非若
宋以後專用年號繫錢改元後則別鑄也

開元通寶

唐武宗會昌五年廢浮磨法毀天下佛寺宰相
李德裕請以廢寺銅鐘佛像及僧尼瓶碗等物
鑄開元錢鹽鉄使以工有常力不足以加鑄許
詔道觀察皆得置錢坊揚州節度使李紳請背
加昌字以表年號又敕令鑄錢所各加本郡州
號名為背文有京京兆府興鳳翔府藍藍田洛洛南

洛陽梁平山宣襄兗丹河北揚州潤
 浙西越浙東福州洪西梓陳益西蜀成都鄂州
 鎮江府潭南廣廣州桂桂陽二十三監鑄錢徑
 寸禁用舊錢宣宗即位盡黜會昌之政新錢以
 字不可辨復鑄佛像柳仲郢為鑄新錢請以使吏
 字識者不答既淮南鑄會昌字久之僧復取為
 鐘鉞云會昌開元錢背面字文昌字外有上
 京上京爪上洛上興上平上梓上潤上蜀上益
 上兗上福上丹上鄂上揚上襄左襄右潭左桂
 左廣左荆下越下越上爪右宣左宣上爪右藍

左鑒上爪上梁下梁上向左上梁向右下梁側向
右上洪下洪右洪向左左洪向右右洪向左下
爪左洪向左上爪下洪倒向下洪倒向右爪其
類甚多

咸通立寶

唐懿宗咸通十一年桂陽監鑄錢官王彤進新
鑄錢文曰咸通立寶尋奉敕停止

天佑通寶

唐昭宗天復四年辛酉八月為梁王全忠所弒
子祝立改元天佑是為哀宗立四年唐亡不聞

有鑄錢事後唐莊宗仍用天佑年號至癸巳始
改同元然亦未聞鑄錢且以一當幾見於背文
者在唐未有攷元至正時張士誠據吳改元天
祐或疑此錢為士誠造但祐字非佑不敢臆斷
也今錄于唐末還以錢文為據耳 此錢穿上
有篆五字

唐偽品

得壹元寶

順天元寶

唐肅宗乾元二年春正月史思明據東都自稱

燕王鑄得壹元寶錢徑寸三分重十三銖以一
當開元之百既而惡得壹非長祚之兆改其文
曰順天元寶徑寸五分重十五銖並銷洛陽銅
佛所鑄 順天錢有二一徑寸元字次畫左挑
背穿有仰月文 後唐朱守殷于積善坊得古
錢四百五十六文內得壹元寶四百四十文順
天元寶十六文守殷奏納敕曰凡窺奇異盡繫
休明所獲錢文式昭天賜得壹者仁歸于一統
順天者式契于天心道煥一時事光千載殊休
既出信史必書宜付史館

五代正品

天成元寶

後唐明宗即位改元天成鑄天成元寶錢徑九分重三銖六參禁鎔錢為器二年令買賣八十陌錢四年禁行使鉄蠟錢

天福元寶

晉高祖天福三年鑄天福元寶錢徑七分重二銖四參詔三京鄴都諸道州府無間公私應有銅者並許鑄錢仍以天福元寶為文左環讀之委監鉄鑄樣頒下諸道令每錢重二銖四參十

錢重一兩 此錢銅質薄小字文皆昧蓋以私
鑄不精也 又有一種文曰天福鎮寶背文黎
字詳卷二晉偽品內

漢元通寶

北平王劉知遠於晉齊王開運四年丁未二月
稱帝於晉陽仍稱晉天福十二年是年六月晉
主知遠入大梁始改國號曰漢未聞有錢鑄之
今戊申隱帝立改元乾佑膳部郎中羅中引請
在京置監鑄錢俾銅盡為錢以濟軍用疏奏不
報則隱帝亦未嘗鑄錢然此錢文曰漢元通寶

意與後周周元宋初宋元同特未知鑄於何歲時耳 此錢徑寸重三銖六釐字文明坦制作甚精又有一種徑九分者有通元二字間一星者有下著偃月文者

周元通寶

周世宗顯德二年廢天下佛寺三千三百三十有六毀銅佛像鑄周元通寶錢徑寸重五銖形制精妙又遣尚書水部員外郎韓彥卿以帛數千疋市銅於高麗國以鑄錢在後殿設巨爐數十親觀鼓鑄并詔天下除朝廷法物軍器官物

及鏡外其餘銅器一切禁斷 此錢種類亦多有幕無文者有橫文在穿上者有星文在穿右者有仰月文在穿左角者又有徑寸二分幕龍鳳者 相傳周元錢能治瘡及下產難產

五代附品

唐國通寶

南唐烈祖且殂謂元宗曰德昌官布億萬緡以給軍用吾死善修隣好北方有事不可失也及元宗即位周師南伐德昌錢布既空遂鑄唐國錢其文曰唐國通寶大小凡五種有徑九分重

三銖者有徑七分重二銖三參者字文並類大
唐錢有徑寸二分重四銖與徑九分重三銖者
形制相肖文皆篆體有徑八分重二銖六參者
字含八分及隸體背文有圓點于五錢中為最
少又有小錢鉄質者重一銖八參形制肖銅錢
之小者以二鉄錢當開元錢一

大唐通寶

元宗又鑄大唐通寶錢與唐國錢通用數年漸
弊百姓盜鑄極為輕小 此錢徑八分重二銖
四參又有徑七分者字亦相類豈當時盜鑄者

耶

永通泉貨 泉寶

南唐元宗李璟於周顯德五年春三月既失江北困於用兵鍾謨請鑄大鉄錢以一當十文曰永通泉貨又於顯德六年秋七月鑄大錢文曰永通泉寶以一當十與泉貨錢並行 永通泉貨有三品八分書者徑寸五分重五銖七參背面肉好皆有周郭篆文者徑寸三分重五銖七參輪郭重厚銅色昏暗又有面為篆文背為龍鳳形者

永安五銖

後魏敬宗永安年鑄徑九分重五銖北齊神武
皇帝亦鑄永安五銖錢

開元通寶

南唐李煜嗣立韓熙載上疏請鑄錢錢以一當
二其錢之大小一如開元通寶文亦如之民間
皆藏匿舊錢商賈多以十鉄錢易一銅錢官禁
私不可禁煜因下令以一當十

永平通寶

通正元寶

天漢元寶

光天元寶

前蜀高祖王建武成三年八月有龍見洵陽水中十月麟見璧州十二月大赦改明年為永平元年鑄永平通寶錢六月黃龍見大昌池十月大赦改元通正鑄通正元寶錢十二月又改明年曰天漢國號漢鑄天漢元寶錢天漢元年十二月大赦又改明年為光天元年復國號蜀鑄光天元寶錢改光天是劉玢年號王建年號係光大然南漢鑄錢無確據故仍舊列此

乾德元寶

咸康元寶

蜀主王建光大元年六月卒子衍立明年改元
乾德鑄乾德元寶錢乾德五年改元咸康鑄咸
康元寶錢 按通正天漢光天乾德錢皆重三
銖徑七分獨咸康錢重三銖三參

廣政通寶

蜀主孟昶明德五年改元廣政鑄廣政通寶錢
徑九分重三銖銅質渾厚字八分書

乾亨重寶

錢法備考卷四

後蜀
南漢

十一

南漢劉龔於梁貞明三年即位國號大趙改元
曰乾亨鑄乾亨重寶錢後因國用不足又鑄鉛
錢以十當銅錢一劉龔卒子晟立詔城內用鉛
錢城外用銅錢禁其出入犯者抵死非特恩不
給銅錢 乾亨銅錢徑七分重二銖六參乾亨
鉛錢二品輪郭鏤薄大者徑寸重三銖九參重
寶二字傳形小者徑九分重二銖六參

天策府寶

梁太祖開平元年馬殷據湖南太祖拜殷天策
上將軍旋封殷為楚王殷鑄天策府寶錢徑寸

七分重三十銖二參銅質渾厚字文明坦

乾封泉寶 大錢

馬殷未嘗建號改元然又鑄乾封泉寶徑寸七分重十七銖圍五寸半以一當十用九文為貫其文上乾其數上九遂通用焉然錢頗厚重市井以券契指堞交易高郁又諷殷鑄鉛錢以十當一行于城中城外即用銅錢賈人多銷鉛錢持過江北

開元通寶 大錢

開王王審知鑄大鎮錢徑寸餘甚麗重亦以開

元通寶為文用五百文為貫俗謂之老死銚边
盖閩語無正文也

永隆通寶

閩王王審知卒少子曦立改元永隆鑄永隆通
寶大銅錢徑寸四分重十銖二參以一當鉛錢
百永隆四年八月又鑄永隆通寶大鉄錢以一
當鉛錢十

天德通寶 重寶

閩王王曦之弟延政據建州稱帝國號殷改元
天德鑄天德通寶天德重寶大錢錢二種背文

川上有殷字以一當鉛錢百

太和通寶

吳楊溥僭稱帝遷居金陵號太和鑄太和通寶錢

應天元寶

劉仁恭子守光於梁乾化元年八月自號大燕皇帝改元曰應天鑄應天元寶錢背文曰萬此錢大小二品字畫遒勁

歷代錢法備考卷五

宋正品

宋通元寶

宋太祖初鑄錢文曰宋通元寶蓋年號開寶不可重故避之然文義應作宋元通寶以宋朝元年所鑄也而流俗俱讀作宋通元寶亦猶開通元寶之訛太祖平蜀沈倫等悉取銅錢上供及增鉄鑄錢易民銅錢宋朝初鑄錢用宋元通寶四字即元人繼宋之識

太平通寶

宋太宗即位改元太平興國鑄太平通寶錢廢
鉄錢不用悉鎔鑄為農器什物以給江北流民
之歸附者今轉運使按行所部凡山川之出銅
者悉禁民採並以給鼓鑄焉

淳化元寶

宋太宗改元淳化更鑄錢文御筆親書淳化元
寶作真行草三體自後每改元必更鑄皆曰元
寶而冠以年號并詔天下鉄錢送官小錢送監
計數給以大錢 改元更鑄自宋太宗始

淳化二年詔定秤法以御書三體淳化錢校實
二銖四參為一文二千四百文得十有五觔為
一秤之則 淳化五年川陝以銅錢一當鉄錢
十

直百五銖

淳化二年宗正少卿趙安易使蜀見鉄錢甚輕
請如劉備時令西川鑄大錢以一當百文曰直
百五銖下都省集議安易論請不已仍募工鑄
百餘進呈極其精好錢墜殿階皆碎蓋過於鎔
鍊盡以其精液矣太宗不之詰獨嘉其用心賜

金紫且遣其典鑄既而大有虧耗一歲纔得三千餘貫衆議喧然遂罷之

至道元寶

宋太宗淳化六年改元至道鑄至道元寶錢亦三體書歲鑄八十萬貫

咸平元寶

宋真宗即位改元咸平鑄咸平元寶錢十文重一兩 此錢有大小二種

景德元寶

宋真宗改元景德鑄景德元寶錢歲鑄一百八

十三萬貫 景德二年二月嘉邛州鑄大鉄錢
祥符元寶 通寶

宋真宗改元大中祥符鑄祥符元寶祥符通寶
錢二種 大中祥符七年二月益州錢大鉄錢
天禧通寶

宋真宗改元天禧鑄天禧通寶錢有四監饒州
曰永平池州曰永豐江州曰廣寧建州曰豐國
京師昇鄂杭州南宋軍舊有監後廢之凡鑄錢
用銅三斤十兩鉛一斤八兩得錢一千重五斤
惟建州增銅五兩減鉛如其數 天禧末鉄錢

有三監邛州曰惠民嘉州曰豈遠興州曰濟衆
按真宗朝凡五改元惟改乾興未開鑄

天聖元寶

宋仁宗即位改元天聖鑄天聖元寶錢有篆書
真書二體

明道元寶

宋仁宗改元明道鑄明道元寶錢亦有真篆二
體

景祐元寶

宋仁宗改元景祐鑄景祐元寶錢亦有真篆二

體 景祐初許申為三司度支判官建議以藥
化鉄為銅雜鑄輕重如銅錢法銅居三分鉄居
六分皆有奇贏亦得錢千費省而利厚詔申如
其法鑄於京師大率如錢雜鉛錫則其液流速
而易成申雜以鉄流澀而多不就工人苦之初
令申萬緡逾月纔得萬錢申性詭譎少成事自
度言無效乃求為江東轉運使欲用其法於江
州朝廷從之因詔申即江州鑄百萬緡毋漏其
法中外知其非是而宰相主之卒無成功

皇宋通寶

宋仁宗改元寶元鑄錢當曰寶元元寶仁宗以字不可重特命以皇宋通寶為文亦真篆二體其真書者又有一種差小此錢除二體書外尚有大小各種及鉄者

慶厯重寶

宋仁宗慶厯五年軍興陝西國用不足鑄慶厯重寶大錢以一當十又詔江饒池三州鑄小鉄錢助陝西經費大約小銅錢三文可鑄當十大錢一文以故民間多毀小錢私鑄大錢三司使葉清臣學士張方平等上疏請以大銅錢一當

小銅錢三云云

皇祐元寶

宋仁宗改元皇祐鑄皇祐元寶錢舉天下歲入銅以斤計得五百一十萬八百三十四而為冶鑄之州有五曰饒池江建韶歲入錢以緡計得一百四十六萬五千六百六十三富民錢可編埒皇祐中嘉邛興三州鑄大鉄錢歲得二十七萬緡

至和元寶 通寶

宋仁宗改元至和鑄至和元寶通寶錢二種俱

真篆二體

嘉祐元寶 通寶

宋仁宗改元嘉祐鑄嘉祐元寶通寶錢二種俱真篆二體 嘉祐四年以陝西民間多盜鑄大錢于是以見行當三錢折小銅錢二謂之折二錢

治平元寶 通寶

宋英宗即位改元治平鑄治平元寶治平通寶錢二種俱真篆二體各有大小二種 治平中饒池江建韶儀六州歲鑄錢一百七十萬緡而

嘉邛州率買鉄炭為撥

熙寧元寶 重寶

宋神宗即位改元熙寧鑄熙寧元寶錢有真篆
二體熙寧四年陝西轉運使皮公弼言頃歲西
邊用兵始鑄當十錢後兵罷多盜鑄者乃以當
十又減作當二行之至今銅費相當盜鑄衰息
請以舊銅鉛盡鑄當二錢從之遂鑄熙寧重寶
大錢亦真篆二體書詔京西淮南兩浙江西荆
湘五路各置錢監熙寧六年以後歲鑄銅鉄錢
六百餘萬貫 熙寧重寶大錢有背上浙字者

有鉄者

元豐通寶

宋神宗改元元豐鑄元豐通寶錢篆文行書二體元豐中天下二十三路而鑄錢監二十有六歲鑄銅鐵錢五百四十五萬九千二百三十貫無如西師大舉國用空虛公私上下並苦乏錢百貨不通人情窘迫謂之錢荒元豐錢有背上一星者

元祐通寶

宋哲宗即位改元元祐鑄元祐通寶錢大小二

品有篆文真書二體 哲宗即位罷鑄錢監十
有四 元祐八年令陝西所行之折二銅錢許
行於河東京西諸路尋以人言折二錢不通行
非便乃聽行使如舊又詔陝西亦鑄小銅錢

紹聖通寶 元寶

宋哲宗改元紹聖鑄紹聖通寶錢篆文真書二
體又鑄紹聖元寶大錢以一當二即折二錢也
亦真篆二體 紹聖元寶通寶皆有鉄錢

元符通寶

宋哲宗改元元符鑄元符通寶錢又鑄折二大

錢係真篆二體又有錢錢

聖宋元寶 通寶

宋徽宗即位改元建中靖國鑄聖宋元寶錢篆文行書二體明年改元崇寧令陝西及江池饒建諸州以每歲所鑄小平錢增料改鑄大錢以一當五文曰聖宋通寶時人稱為當五錢

崇寧重寶

宋徽宗崇寧三年蔡京秉國銳意欲興當十錢遂罷鑄小平錢及折二錢折五錢另鑄大錢二種一曰崇寧重寶係隸書左旋讀一曰崇寧通

寶係真書上下讀俱以一當十御書錢式頒於
諸路令赤仄烏背字畫分明每貫重一十四斤
七兩用銅九斤七兩二錢鉛四斤十二兩六錢
錫一斤九兩二錢去火耗一斤五兩自此盜鑄
者遍天下不可禁物價騰貴商賈不行冒禁而
破家身死者衆後改為當五其弊猶未革乃改
為當三

沈疇論略崇寧中鑄當十錢夫小平錢之便於
民久矣古者軍興用乏或以一當百當千此權
時之術非可行於無事之日今當十之議固足

抒目前然使游手鼓鑄無故有倍稱之息熟憚而不為雖日加斷斬不可止也

張端義貴耳集宗寧錢文徽宗令蔡京書之筆畫從省崇字自山字中一筆直下寧字去心當時有有意破宗無心寧國之謠

曾敏行獨醒雜志宗寧三年鑄大錢蔡元長建議俾為折十用者不便優人因內宴為賣漿者或投一大錢飲一杯而索償其餘賣漿者對以方出市未有小錢可更飲漿乃連飲至于五六其人鼓腹曰若使相公改作折百錢奈何上為

之動法由是改

崇寧通寶重寶皆有小平錢錢文如大錢

大觀通寶

崇寧五年二月蔡京罷相右僕射趙挺之御史
沈疇屢言當十錢不便於民私鑄日衆重罰不
能止遂減作當五當三崇寧六年改元大觀正
月蔡京復相仍主用折十錢于是鑄大觀通寶
大錢真書以一當十大觀三年六月蔡京復罷
政大觀四年因盜鑄日衆興大獄遂罷鑄當十
錢而鑄小平錢 大觀二年江南東西福建兩

浙許鑄使鐵錢

政和通寶

宋徽宗改元政和詔往歲圖利之臣鼓鑄當十錢苟濟目前不究久遠公私為害行之數十年其法日弊見在當十錢可並作當三而張商英請收當十錢毋更用俟錢入官擇其惡者鑄小平錢從之遂鑄政和通寶錢政和二年蔡京復相請鑄夾錫錢一折銅錢二以政和錢為式俱篆書分楷二體又詔江池饒錢監盡以小平錢改鑄當二以舒用度 政和中錢輕物重細民

艱食詔應陝西舊行使鉄錢地名依元豐年大
鉄錢折二公私通行夾錫錢同之毋得分別

重和通寶

徽宗改元重和鑄重和通寶錢真篆二體

按重和元年又改明年為宣和匝歲之間此錢
自少

宣和通寶 元寶

宋徽宗改元宣和鑄宣和通寶宣和元年寶錢二

品俱真篆二體元寶錢較少通寶錢有四種前
一種篆書後三種以次遞小 又鑄宣和通寶

大錢三種前二種篆書分楷二體後一種亦分楷而細緣稍大於前俱以一當二

靖康通寶 元寶

宋欽宗即位改元靖康鑄靖康通寶錢真篆二體 又鑄靖康元寶大錢真篆二體以一當三

建炎通寶

南宋高宗即康王即位于南京改元建炎鑄建炎通寶錢真篆二體 又鑄建炎通寶大錢真篆二體以一當二

紹興通寶 元寶

南宋高宗改元紹興鑄紹興通寶紹興元寶錢
二種各有大小二品小者小平錢大者以一當
二俱真篆二體背有星月文如開元制 紹興
三年春正月鑄當十大錢 紹興六年歛民間
銅器鑄錢無銅可輸者乃鎔錢為銅 紹興九
年詔陝西諸路復行鑄錢 紹興二十八年出
御府銅器一千五百事付泉司鑄錢大索民間
銅器得銅二百餘萬斤寺觀鐘磬鐃鈸既籍定
投稅外不得添鑄

隆興元寶

錢法備考卷五

南宋

十一

南宋孝宗即位改元隆興鑄隆興元寶當二小平錢兩種如紹興之初當二錢楷書

乾道元寶

南宋孝宗改元乾興道鑄乾道元寶錢真篆二體有背有星爪者詔兩淮京西悉用鉄錢乾道九年大江之西及湖廣間多毀錢夾以沙泥重鑄號沙殼錢詔嚴禁

淳熙元寶

南宋孝宗改元淳熙罷鑄鉄錢改鑄淳熙元寶銅錢其背文則紀是年所鑄者錢背鑄紀元年數自淳熙始

淳熙十二年新興迎恩三爐利之昭化亦有爐
並出鉄乞復鼓鑄鉄錢 淳熙錢真篆二體書
有大小各種真書大小錢皆有背爪星背泉字
背自元字至十六字者蓋淳熙十六年之次鐵
錢背文數目字同又有同字者

紹熙元寶

宋光宗即位改元紹熙鑄紹熙元寶小平錢折
二錢兩種背文皆有元字至五字者鉄錢亦如
之更多背上春字同字

慶元通寶

宋寧宗即位改元慶元鑄慶元通寶錢楷書是
年卽利州鑄當五大錢慶元三年復禁銅器
復神泉監以所括銅器鑄當三大錢隸工部
慶元錢背文年數止于六字鉄錢亦然更多春
字漢字蓋漢陽監鑄卽漢字

嘉泰通寶

宋寧宗改元嘉泰鑄嘉泰通寶當三大錢背文
數止于四字鉄錢無春字餘同慶元

開禧通寶 元寶

宋寧宗改元開禧鑄開禧通寶元寶錢大小二

種皆真書背文年數止于三字鉄錢同

嘉定通寶

宋寧宗改元嘉定鑄嘉定通寶當五大錢背文
年數止于十七字鉄錢多春字 又有文嘉定
之寶者

大宋元寶

宋理宗即位改元寶慶鑄大宋元寶錢背文年
數止于三字鉄錢無背文

紹定通寶

宋理宗改元紹定鑄紹定通寶折二錢背文年

數止于六字鐵錢有漢字

端平通寶

宋理宗改元端平鑄端平通寶當三折二小平
錢三品背文年數止於三字 理宗朝專措置
楮幣而銅治大衰嚴禁銷毀銅錢

嘉熙通寶 重寶

宋理宗改元嘉熙鑄嘉熙通寶折二小平錢二
品又鑄嘉熙重寶當三大錢其背文年數皆止
于四字有一種重寶錢畧小者係盜鑄也

嘉熙錢俱正書

淳祐元寶

宋理宗改元淳祐鑄淳祐元寶大錢背文年數止于十二字 淳祐二年二月詔在外諸軍請給楮幣權以十八界三分增給又三年命淮東西總所餉軍券錢並給楮四分則當時用楮仍與錢並行故分配支給食貨志謂之品搭是也賈似道當國主用會子亦曰交子後又變而為關子其意在於廢錢用楮故元龍純用楮之議顯為迎合然勢難久行卒不能盡廢園法也淳祐通寶大錢另有一種背文有當百字錢質

重厚過於諸大錢數倍而史志無明文
淳祐十二年從監察御史劉元龍言遂令純用
楮及至公私交弊明年仍用錢會中半

皇宋元寶

宋理宗改元寶祐鑄皇宋元寶錢背文年數止
于六字

開慶通寶

宋理宗改元開慶計開慶元寶錢背文年數唯有
元字

景定元寶

宋理宗改元景定鑄景定元寶錢背文年數止於五字

咸淳元寶

宋度宗即位改元咸淳鑄咸淳元寶錢背文年數止于十一字 自咸淳以後元世祖稱帝宋朝不復鑄錢矣

臨安府行用

南宋末年另鑄錢牌面文曰臨安府行用背文曰準五百文省亦有準二百三百者按太平興國二年詔民間緡錢定以七十七為百名為省

錢以九十為百者名為長錢然則長銅牌者殆亦
支錢之券當時錢無足百故著省字 銅牌有
長三寸濶二寸者有長三寸有奇濶一寸者大
小不同額有小竅後人取以為匙牌

歷代錢法備考卷六

宋附品

天贊通寶

遼太祖於後梁末貞明二年起稱神冊元年至
龍德二年改元天贊鑄天贊通寶錢徑九分重
三銖六參

應歷重寶 通寶

遼穆宗於後周太祖廣順元年即位改元應歷
鑄應歷重寶通寶錢二種

乾亨元寶 通寶

遼景宗於宋太宗太平興國四年改元乾亨鑄
乾亨元寶通寶錢二品

統和通寶

遼聖宗於宋太宗太平興國八年即位改元統
和鑄統和通寶錢

太平元寶

遼聖宗於宋真宗天禧五年改元太平鑿大安
山取劉守光藏錢散諸五計司兼鑄太平元寶
錢

重熙通寶

遼興宗於宋仁宗明道元年即位改元景福次年改元重熙鑄重熙通寶錢徑九分重三銖

清寧通寶

遼道宗於宋仁宗至和二年嗣位改元清寧鑄清寧通寶錢徑九分重三銖

咸雍通寶

遼道宗改元咸雍鑄咸雍通寶錢

太康通寶 元寶

遼道宗改元太康鑄太康通寶元寶錢二種並

徑九分重二銖四參 錢文作大康

大安元寶

遼道宗改元大安鑄大安元寶錢徑八分重二銖八參

壽隆元寶

遼道宗改元壽隆鑄壽隆元寶

乾統元寶

遼天祚帝於宋徽宗建中靖國元年嗣位改元乾統鑄乾統元寶錢徑寸重三銖

天慶元寶

遼天祚帝改元天慶鑄天慶元寶錢徑九分重二銖四參

自天贊至天慶皆契丹年號

壽昌元寶

康國通寶

以上二品俱西遼德宗耶律大石所鑄並徑九分重二銖四參
攷康國元年為宋欽宗靖康元年

天感元寶

西遼德宗在位二十年遺命皇后權國稱制號

感天皇后此錢蓋其時所鑄 此錢自右及上
讀之曰天感元寶若自上及右讀之則為感天
矣

正隆元寶

金煬王於宋紹興二十六年改元正隆次年十
月始鑄正隆元寶錢重如宋小平錢而肉好字
畫峻整與遼宋舊錢通用 正隆二年中都置
錢監二東曰寶源西曰寶豐京兆置錢監一曰
利用

大定通寶

金正隆六年世宗即位改元大定大定十八年
代州立新錢監鑄大定通寶錢字文肉好又勝
正隆之制背文曰中曰酉蓋中酉爲金暗記金
國之錢也世傳其錢料微有銀云 大定二十
七年曲陽監鑄錢另添一監以利通爲名二十
九年因五臺民劉完等訴兩監歲鑄錢十四萬
餘貫而歲費八十餘萬病民多費云云宰臣以
聞遂罷工監行鈔法

泰和重寶 通寶

金章宗於宋宣宗慶元七年改泰和元年泰和

四年八月鑄大錢以一當十篆文曰泰和重寶
徑二寸許 按章宗即位罷鑄錢承安二年鑄
銀錢名承安寶貨一兩至十兩分五等每兩折
錢二貫尋以私鑄多遂罷之至是始鑄錢與鈔
並行 又有泰和通寶真書錢亦極好徑一寸
有奇似係當五而史譜均不載又背有花紋及
作虎形及面兩面同文者

元德通寶

此品似西夏崇宗李德順元德年所鑄但元德
中並無鼓鑄之說而此錢絕類西夏諸品

天盛元寶

西夏仁宗李仁孝於宋高宗紹興十七年改元天盛天盛十年始立通濟監鑄天盛元寶銅錢錢錢二種

乾祐元寶

西夏仁宗改元乾祐鑄乾祐元寶銅錢錢二品銅者精好而少

天慶元寶

西夏桓宗李純祐改元天慶鑄天慶元寶錢較遼天慶錢精好

皇建元寶

西夏襄宗李安金于宋寧宗嘉定二年改元皇
建鑄皇建元寶錢極為精好

光定元寶

西夏神宗李遵頊于宋寧宗嘉定四年改元光
定鑄光定元寶錢

宋偽品

阜昌重寶 元寶

金人于宋建炎四年冊劉豫為皇帝國號大齊

都大名府九月即偽位改元阜昌鑄阜昌重寶
徑寸二分又鑄阜昌元寶錢徑八分並楷書精
好紹興七年金人執而廢之

元正品

至大通寶

大元通寶

元之交鈔寶鈔皆印造錢式而錢則弗之鑄也
至武宗至大三年初行錢法立資國院泉貨監
以領之其錢曰至大通寶者一文準銀鈔一厘

曰大元通者一文當二並以舊數用之明年仁宗下詔以鼓鑄弗給與銀鈔皆廢而不行專用至元中統鈔云

至正通寶

元順帝十一年丞相脫脫建議鑄錢遂置寶泉提舉司鑄至正通寶錢與交鈔並行謂之子母相權顧所鑄不能流通至其後乃並鈔亦不行所在郡縣皆以貨物相質易公私所積鈔人視之若廢楮蓋自錢法敝而鈔物亦壞矣至正錢有大小五種背上皆有蒙古字

楮鈔

稗史類編軒轅臣伯陵始以布帛為楮幣漢武帝改制皮幣唐憲宗始置關子時呼為飛錢宋孝宗改制會子元世祖始造交鈔

漢武帝時有司言今半兩錢法重四銖姦民或盜磨鉄質而取鎔錢益輕薄而物貴乃以白鹿皮方尺緣以續為皮幣直四十萬又造銀錫白金三品其一曰重八兩圜之其文龍名白撰直三千二曰以重差小方之其文馬直五百三曰復小楮之其文龜直三百後更用五銖錢周郭

其質令不可得磨而取鎔

唐憲宗以錢少復禁用銅器時商賈至京師委錢諸道進奏院及諸軍諸使富家以輕裝趨四方合券乃取之號飛錢

宋仁宗天聖元年蜀民以鐵錢重私為券謂之交子以便貿易富民十六戶主之

宋高宗紹興三十年錢端禮知臨安府建言楮幣以行累月合支官錢造會子流傳輸官亦許用之

宋時會子壅滯物價踊貴賈似道請改造關子

以一準十八界會子三出奉宸庫珍貨收敝會
於官廢七界會子不用其關子之制上一黑印
如酉字中二紅印相連如目字下兩傍各一小
長黑印宛然如一貫字也

宋時之鈔外為關作花紋其橫貫例外書禁條
關下備書經由行換之法及蓋印章花押一貫
至五十貫名大鈔一百文至七百文名小鈔以
七年兩限新舊易跡

宋高宗紹興二十四年女真以銅少循宋交子
法造鈔引一貫二貫三貫五貫十貫五等謂之

大鈔一百二百三百五百七百五等謂之小鈔
與錢並行以七年為限納舊易新諸路置交鈔
庫官受之每貫取工墨錢十五文公私便焉

元世皇嘗以錢幣問太保劉秉忠對曰錢用於
陽楮用於陰華夏陽明之區沙漠幽陰之域今
陛下龍興朔漠君臨中夏宜用楮幣俾子孫世
守之若用錢四海且將不靖遂絕不用錢迨武
宗頗用之不久輒罷

元時之鈔以十記者四曰一十文二十文三十
文五十文以百記者三曰一百文二百文五百

文以貫記者二曰一貫文二貫文蓋元承金之制而稍為更改者也

明時之鈔以桑楮皮為之豎長一官尺橫八寸額上橫作楷書云大明通行寶鈔中作楷書一貫二字字下圖一貫錢形左右作疊篆各四字云大明寶鈔天下通行其下楷書鈔法禁例上下鈐戶部印四圍花文闕

元末偽品

治平聖寶

元至正十一年蘄州羅田妖人徐壽輝聚眾叛
據黃蘄僭國號天完建元治平鑄治平聖寶錢
凡九年陳友諒弑而代之

大義通寶

陳友諒據武昌僭號漢建元大義鑄大義通寶
錢後兵敗中流矢死

天祐通寶

元至正十三年泰州白駒民張士誠據江浙諸

郡僭號周建元天祐鑄天祐通寶錢徐達討平之執送金陵自縊死

龍鳳通寶

元至正十五年樂城人韓山童世以白蓮教惑衆至是詭云宋徽宗八世孫約以紅巾為號將起兵被執其黨潁州人劉福通等迎立其子韓林兒號小明王建都亳州國號宋建元龍鳳鑄龍鳳通寶錢徑寸三分甚精好凡稱偽號十二年而死

天統通寶

元至正二十三年直州玉山人明玉珍據成都
僭號復建元天統鑄天統通寶錢在位五年而
終子昇嗣位改元開熙洪武四年廖永忠討降
之封歸義侯後徙高麗

歷代錢法備考卷七

明正品

大中通寶

明太祖初置寶源局於應天鑄大中通寶錢及
平陳友諒命江西行省置貨泉局頒大中通寶
錢大小五等錢式 大中錢有背穿上列十字
者有上十下豫者有小錢背上浙字者又有京
浙桂濟鄂豫北平各種 此錢是太祖末紀元
以前自稱吳王時所鑄

大明通寶

明太祖始建國號意在大中而祈天乃得大明
故鑄大明通寶錢與厯代錢並行 大明錢背
文有穿上戶字帥字穿右帥字

洪武通寶

明太祖鑄洪武通寶錢其制凡五等曰當十當
五當三當一曰小錢當十錢重一兩餘遞降小
錢重一錢 洪武錢背文有一錢二錢三錢五
錢一兩及治福浙桂背文又有北平二字者

永樂通寶

明太祖永樂六年鑄永樂通寶錢 洪武之錢
最小者而重一錢永樂之錢稍大而重八分輕
重大小殊無定制

洪熙通寶

明仁宗年號 錢係嘉靖補鑄

宣德通寶

明宣宗宣德八年鑄宣德通寶錢大小二種

正統通寶

明英宗年號 錢係嘉靖補鑄

天順通寶

明英宗復辟年號 錢係嘉靖補鑄

成化通寶

明憲宗年號 錢係嘉靖補鑄

宏治通寶

明孝宗宏治十年鑄宏治通寶錢 十八年題
准每文重一錢二分

正德通寶

明武宗年號 錢係嘉靖補鑄

王士正池北偶談于慈仁市見正德錢二面幕

皆文如蟠螭狀與今制殊矣

嘉靖通寶

明世宗嘉靖六年大鑄嘉靖通寶錢每文重一錢三分 嘉靖二十二年令照新式補鑄洪武永樂洪熙宣德正統天順成化宏治正德九種錢每種一百萬錠每錠五千文嘉靖錢一千萬錠內工部六分南京工部四分兩部分鑄 嘉靖四十二年題准每錢一千重七釐八兩

隆慶通寶

明穆宗隆慶四年鑄隆慶通寶錢較嘉靖錢又

加重半銖

萬曆通寶

明神宗萬曆四年命戶工二部準嘉靖錢式鑄萬曆通寶錢二萬錠每文重一錢二分五厘七毫金背三分大漆三分兩部照舊四六分鑄十三年鑄萬曆通寶錢十五萬錠內南京工部分鑄六萬錠四十二年題准每錢一千文舊重七斤八兩今重八斤每銅五萬斤錫五千斤鑄錢六百萬文共重四萬八千斤除耗四千斤仍扣剩銅錫三千斤萬曆四年鑄萬曆金背錢

及火漆錢二等每文重一錢二分五厘七毫旋
又鑄銀邊錢每文重一錢三分頒行天下
萬曆中開局鼓鑄頒行錢式每錢百文重十三
兩必輪郭周正文字明潔蓋仿古不惜銅不愛
工使盜鑄者無利不禁自止 萬曆錢有大如
當二及背面龍鳳形穿上下星月及工公天等
字者

泰昌通寶

明光宗年號 光宗在位甫閱一月此錢係熹
宗天啟年補鑄 泰昌錢有背面星月及一面

泰昌一面天啟者兩面同文一面泰昌一面天
字向下泰字向上左寶字向下右寶字向上者
又有大錢龍鳳形者

天啟通寶

明熹宗即位改元天啟鑄天啟通寶錢又補鑄
泰昌通寶錢是時兵部尚書王象乾請鑄當十
當百當千三等大錢仿白金三品之則于是兩
京皆鑄大錢後有言大錢之弊者詔南京停鑄
收大錢發局改鑄則此錢旋鑄旋罷是以民間
不多 天啟錢大小不一其背文穿上下有星

月戶工一錢院鎮密新浙云等字大錢有上府
下十上十右一兩及兩面同文一面倒置向
右各種

天啟二字梁肅莊魏元法僧以及南詔皆有此
年號此進擬年號之宰臣未嘗稽考耳

天啟中蘇州建周公順昌民變擊斃校尉後蘇
民倡議天啟無道亘戒天啟錢不用各府州縣
皆和其說將天啟錢積下後傳至京中各省直
出示曉諭乃復行私禁凡十閱月

崇禎通寶

明莊烈帝崇禎元年鑄崇禎通寶錢是時定錢式每文重一錢每千值銀一兩南都所鑄輕薄乃定每文重八分又鑄當五錢背文有監字五字明朝京錢曰黃錢外省錢曰皮錢崇禎七八年間錢頗輕小京錢百文值銀五分皮錢百文值銀四分至本朝順治四年崇禎錢百文值銀一分每錢重一斤值銀二分五厘

崇禎十一年上將內庫厯朝諸銅器盡發寶源

局鑄錢內有三代及宣德年間物製造精巧絕倫商人不忍毀棄願納銅二千斤易舊銅器一千斤監督不可商人謂宣銅下爐尚存其質至三代間物則質漬極輕下爐後惟有青烟一縷耳此則誰任其咎監督謂聖性猜疑甚重若如所言必增聖疑如三代物不便下爐則有內官公同驗視罪不在我於是古器毀棄殆盡崇禎錢大小形制不一背面字文尤多有上下星月圈及圈內星者又戶工制府官局新舊重加共捌江廣青李應貴忠榆汭甲乙丙丁戊己

唐辛壬癸各字及一分一錢八錢者上工戶下
二者左右工戶左右川者上太下平上清下忠
右奉上制者下作馬形者又當五錢左五右監
左五右工者

明季附品

弘光通寶

明季馬士英迎神宗之孫福王名由松至南京即位稱弘光元年在位一載所鑄弘光通寶錢有正書八分書二體背面穿上有星及鳳字者

隆武通寶

明季唐王名聿鍵太祖九世孫乙酉六月即位于福州稱元隆武在位一年所鑄隆武通寶錢有大小二種背穿上有星及戶工等字

永曆通寶

明季永明王名由榔神宗孫丙戌十月稱元永
曆以肇慶署為行宮在位 年所鑄永曆通
寶錢有大小各種正草行篆八分各體背上
下有星及上下戶工又二厘五厘一分者又有
御勅輔明定國留粵督部等一字者

明季偽品

永昌通寶

崇禎十七年正月李自成稱王於西安據秦府
為宮僭國號大順建元永昌所鑄永昌通寶錢
有大小數種

大順通寶

明季張獻忠僭偽號稱成都為大西國即西王
位偽號大順所鑄大順通寶錢皆作當二大錢
背穿下有戶工等字

興朝通寶

錢法備考卷七

明偽品

張獻忠伏誅其義男孫可望承兵入滇自稱東平王僭元興朝所鑄興朝通寶錢如當二大背穿下有二字者又背上壹下分字徑寸六分

昭武通寶

康熙十三年吳三桂稱帝於衡州偽號大周僭元昭武所鑄昭武通寶錢有真篆大小各體及背穿下戶工等字左右一分等字

利用通寶

吳三桂改元利用鑄利用通寶錢有背穿上有星又不拘上下兩側有雲貴一厘二厘五厘一

分等字

洪化通寶

吳三桂之孫世璠僭元洪化所鑄洪化通寶錢
有大小二種背穿右有戶工等字

裕民通寶

康熙十三年故靖南王耿仲明之孫精忠叛閩
中僭號裕民所鑄裕民通寶錢有大小各種背
有一分至一錢字以次增

歷代錢法備考卷八

外國品

梵書錢

一品徑七分厚薄肉好不異中夏其文𠄎𠄎𠄎
𠄎洪志為屋馱國錢即伏陀在西域近吐蕃境
多浮屠文字或謂空界是雲四字
一品徑寸重五銖肉好精巧不減中國皆胡字
不可識背文如開元錢有甲痕其文𠄎𠄎𠄎
洪志為吐蕃錢蓋吐蕃與唐世為婚姻故其錢

背有甲文仿開元法也

一品徑八分重三銖六釐銅質甚赤文不可辨
其文𠂔𠂔𠂔𠂔𠂔𠂔𠂔𠂔為類屋馱吐蕃錢

一品其文𠂔𠂔𠂔𠂔𠂔𠂔𠂔𠂔

一品其文𠂔𠂔𠂔𠂔𠂔𠂔𠂔𠂔

一品其文𠂔𠂔𠂔𠂔𠂔𠂔𠂔𠂔

東國重寶

楷書

通寶

楷書

海東通寶

篆文

重寶

真行二體

三韓通寶

楷書

重寶

楷書

朝鮮通寶

真書

右數品俱高麗朝鮮國錢輪郭渾厚字畫明坦
有徑寸重二銖四參者有徑九分重三銖六參
者

延喜通寶

此品或為倭奴國錢

乾文大寶

此品是日本國錢

和同開珍

神功開珍

萬年通寶

錢法備考卷八

外國品

隆平永寶

右四品徑寸重五銖皆隸書亦是日本國錢
寬永通寶

右品字畫明峻大小與萬曆錢相等以赤銅為之背面有元小文長定仙佐仇等字皆楷書亦有背面無字者此係琉球國行用之錢即日本錢

周煌琉球國志略琉球錢法國中常用寬永錢每遇冊封則另鑄小錢開局兌換非鉛非鉄大不及鵝眼無輪郭文字虛其中以受貫百文

可長寸許或三十為一貫或五十或一百以至一千皆自成貫以草繩穿成繩頭繫札以紙封固用黑硃小印鈐記之或貫繩散斷印文擦損則不堪用事畢以按數繳還兌回銀錢然亦有私鑄中國人不能辨時有受其欺者誤携以入市市人不受也五十五貫當琉球銀一兩

政和通寶背有日月

或謂日本近鑄政和通寶錢背有日月

天聖通寶

建文元年安南號曰虞紀元天聖

興慶通寶

永樂初安南國號曰越紀元興慶

重光通寶

永樂七年簡定子季擴立紀元重光

永寧通寶

永樂十五年范玉偕稱羅平王紀元永寧

順天通寶

宣德三年俄樂巡檢黎利稱帝紀元順天

紹平通寶

大寶通寶

宣德九年利子麟立一名龍初元紹平改元大寶

大利通寶

延寧通寶

正統八年麟子濬立一名基隆初元大利景泰六年改元延寧

天興通寶

天順三年濬庶兄諒山王琮弒主自立一名宜民紀元天興

光順通寶

錢法備考卷八

外國品

四

洪德通寶

天順四年國人誅琮立濬弟灝一名思誠初元
光順改元洪德

景統通寶

弘治十年灝子暉立一名鎰紀元景統

端慶通寶

弘治十七年暉子誼立一名璿紀元端慶

洪順通寶

正德四年阮种弒誼自立國人誅之立灝孫朋
一名滢紀元洪順

應天通寶

正德十一年陳暠弒明自立仍號虞紀元應天

明德通寶

嘉靖六年莫登庸弒主應自立國號越紀元明德

大正通寶

嘉靖九年登庸子方瀛立紀元大正

元和通寶

嘉靖九年黎寔據清華僭帝號紀元元和

光照通寶

錢法備考卷八

外國品

五

嘉靖十年寧為方冀瀛攻竄乃立其弟憲紀元
光照

紹豐元寶 平寶

何亮續安南志紹豐陳裕宗年號

天祐通寶

此錢徑一寸二分大理國段正明鑄鏤穿上有

蒙古字一

天定通寶

大理國段智典改元天定鑄此錢大小兩種大
者徑寸二分小者徑九分文字精好制作頗佳

不知年代品

異字錢

一品徑寸一分重十銖面有兩字不可識右曰
贊左曰兌

一品徑寸重四銖五參其文右曰贊左曰弄

一品右文曰贊左文曰弄

上三品或謂係天贊二字
一品徑寸一分重三銖三參面有三字右曰弄
左曰立下曰二

千秋萬歲

此品有二一徑九分一徑三分或謂是遼國之錢

太興平寶

此品徑八分重四銖面鑄太興平寶背鑄丁字

大千通寶

此品通寶二字倒書之背文丁字

千字錢

此品徑寸六分重十銖面文右邊止一千字

順天元寶

此品輕小與史思明所鑄不同或疑後代偽號耳

宣民通寶

崇明通寶

大治通寶

政定通寶

定元通寶

明定宋寶

世高通寶

平安元寶

錢法備考卷八

不知年代品

永平通寶

宣定通寶

乾元通寶

乾符元寶

景元通寶

以上俱正書

福平元寶

此品篆書

永壽通寶

此品有正草二體書

永盛通寶

此品正書鏤右有己字

保泰通寶

此品正書鏤有星月各種

景興通寶

重寶

巨寶

大寶

至寶

正寶

內寶

泉寶

中寶

永寶

以上十寶同為景興有大小正篆各體又
背有星月工字及右山左西與上壬下戊
等文

大聖通寶

祥聖通寶

治聖平寶

右三品質薄小而古潤

正法元寶

安法元寶

天符元寶

紹符元寶

祥符元寶

紹宋元寶

天元通寶
聖元通寶
景元通寶
立元通寶
熙元通寶
祥元通寶

以上皆薄小古潤如前大聖三品而元字皆作
元篆

外國金銀錢

罽賓國以金銀為錢文為騎馬幕為人面

烏弋山離國錢貨與罽賓國同獨文為人頭幕為騎

馬

安息國以銀為錢文為面^王幕為夫人面王死輒更鑄

騾國以金銀為錢形如半月

榜葛利國市用銀錢曰儻伽重三錢徑寸二分面有文

古里國市用六成金錢白吧南重三分兩面有文小

銀錢曰搭兒重三厘

錢法備考卷八

外國金銀錢

阿丹國有赤金錢曰哺嚕黎重一錢面有文紅銅錢

曰哺嚕厝市易用之

柯枝國用九成金錢曰法南重一分一厘銀錢僅如

螺厝曰答兒重四錢厘每十五當金錢之一

蘇門答喇國用金錢曰那底兒重五分

拂林國鑄金銀錢面鑿彌陀佛

西洋諸國用銀錢重七錢二分